



Broj: 01/5-50-1-6-26/08  
Sarajevo, 22.12.2008.godine

**Z A P I S N I K**  
**26. sjednice Komisije za saobraćaj i komunikacije,**  
**održane 22.12. 2008. godine**

Sjednica je održana 22.12.2008., s početkom u 14,15 sati.

Sjednici su prisustvovali članovi Komisije: Branko Dokić, Šemsudin Mehmedović, Slavko Matić, Savo Erić, Sadik Bahtić, Selim Bešlagić i Mehmed Suljkanović.  
Opravdano je odsustvovao Husein Nanić.

Iz Ministarstva komunikacija i prometa BiH sjednici su prisustvovali: Božidar Škravan, savjetnik ministra, i Kojo Koprivica, pomoćnik ministra. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

**D N E V N I R E D**

1. Usvajanje Zapisnika 25. sjednice Komisije;
2. Razmatranje amandmana poslanika Branka Dokića na Prijedlog zakona o Agenciji za razvoj informacionog društva BiH (ZARID) ( u skladu sa zaključkom Predstavničkog doma sa 42. sjednice);
3. Tekuća pitanja.

Dnevni red usvojen je jednoglasno.

**Ad. 1. Usvajanje Zapisnika 25. sjednice Komisije**

Zapisnik 25. sjednice usvojen je jednoglasno, bez primjedbi.

**Ad. 2. Razmatranje amandmana poslanika Branka Dokića na Prijedlog zakona o Agenciji za razvoj informacionog društva BiH (ZARID) ( u skladu sa zaključkom Predstavničkog doma sa 42. sjednice)**

**Branko Dokić** podsjetio je da je Predstavnički dom na 42. sjednici, povodom rasprave u drugom čitanju o Prijedlogu zakona o Agenciji za razvoj informacionog društva BiH (ZARID) ( u daljnjem tekstu: Prijedlog zakona), usvojio zaključak da do nastavka sjednice Doma Komisija za saobraćaj i komunikacije Predstavničkog doma pokuša postići saglasnost o amandmanima na Prijedlog zakona, koje je on obnovio u plenarnoj fazi. Istakao je da se radi o modificiranim amandmanima, iza kojih stoji Ministarstvo komunikacija i prometa BiH.

Nakon rasprave o amandmanima, Komisija se izjasnila kako slijedi:

#### **AMANDMAN I.**

U članu 2. iza tačke e) dodaju se nove tačke f) i g) koje glase:

f) „Institucije Bosne i Hercegovine; državni organi Bosne i Hercegovine, uprave i upravne organizacije, javna preduzeća i druge ustanove na državnom nivou“;

g) „Informatizacija: set aktivnosti kojim se tehnološki, upotrebom IKT-a, unapređuju poslovni procesi, procesi odlučivanja i sveobuhvatan rad određenog pravnog i/ili poslovnog subjekta“.

(usvojen jednoglasno)

#### **AMANDMAN II.**

Član 3. mijenja se i glasi:

“Agencija je zadužena za razvoj i promociju informacionog društva u Bosni i Hercegovini (u daljnjem tekstu: BiH).“

(usvojen jednoglasno)

#### **AMANDMAN III.**

Član 7. mijenja se i glasi:

„Sredstva potrebna za finansiranje rada Agencije osiguravaju se iz budžeta institucija Bosne i Hercegovine i međunarodnih obaveza Bosne i Hercegovine i ostvarenih samostalnih prihoda“.

(usvojen jednoglasno)

#### **AMANDMAN IV.**

U članu 8. stav (1) tačka e) i tačka n) u stavu (3) mijenjaju se i spajaju u novu tačku stava (2) istog člana, tako da se iza tačke k) dodaje nova tačka l) koja glasi:

l) „koordinacija i verifikacija aktivnosti na strateškim projektima za razvoj informaciono-komunikacione infrastrukture, od važnosti za državu“.

(usvojen jednoglasno)

#### **AMANDMAN V.**

U članu 8. u stavu (1) vrše se sljedeće izmjene i dopune:

- tačka f) briše se; (usvojeno sa tri glasa „za“, dva „protiv“ i jednim „suzdržanim“)
- u tački g) iza riječi „centara“ briše se zarez i ostali dio teksta; (usvojeno jednoglasno)
- tačka i) briše se; (usvojeno s pet glasova „za“, jednim glasom „za“ i jednim „suzdržanim“)
- tačka j) briše se; (nije usvojeno s pet glasova „protiv“, jednim glasom „za“ i jednim „suzdržanim“)
- u tački k) riječ „Forum“ piše se malim slovom, a na kraju teksta iza zgrade dodaju se riječi: „na državnom nivou“; (usvojeno s pet glasova „za“, jednim glasom „protiv“ i jednim „suzdržanim“)
- tačka l) briše se; (usvojeno sa četiri glasa „za“, dva glasa „protiv“ i jednim „suzdržanim“)
- tačka „m“ briše se; (usvojeno sa četiri glasa „za“ i tri glasa „protiv“)
- u tački n) riječi: "tehnologija informacionog društva" zamjenjuju se riječima: "informaciono-komunikacionih tehnologija"; (usvojeno jednoglasno)
- tačka o) mijenja se i glasi: „Iniciranje i koordiniranje aktivnosti za optimalno korištenje informaciono – komunikacione infrastrukture u BiH“; (usvojeno jednoglasno)
- tačka s) mijenja se i glasi: „Poticanje razvoja digitalizacije domaćih sadržaja i usluga u oblastima od javnog interesa“. (usvojeno jednoglasno)

**AMANDMAN VI.**

U članu 8. u stavu (2) vrše se sljedeće izmjene:

- na kraju tačke a) dodaju se riječi: „za organe državne uprave i druge institucije BiH“ (nije usvojeno sa šest glasova „protiv“ i jednim glasom „za“)
  - u tački e) iza riječi: "i evidencija" dodaju se riječi: „na državnom nivou“; (nije usvojeno s pet glasova „protiv“, jednim glasom „za“ i jednim „suzdržanim“)
  - u tački g) riječ „Koordinacija“ zamjenjuje se riječju „Stručne“; (usvojeno jednoglasno)
  - tačka k) briše se; ( usvojeno sa šest glasova „za“ i jednim glasom „protiv“ )
  - tačka j) mijenja se i glasi:
- j) „pružanje stručne i tehnološke pomoći u okviru borbe protiv visokotehnološkog kriminala i piraterije, ako drugim zakonom nije drugačije određeno“. ( usvojeno sa šest glasova „za“ i jednim glasom „suzdržan“ )

**AMANDMAN VII.**

U članu 8. stav (4) mijenja se i glasi:

„ Agencija daje podršku praćenju razvoja informacionog društva BiH, a ima sljedeća ovlaštenja:

- a) saraduje i razmjenjuje podatke s institucijama koje rade na poslovima praćenja razvoja informacionog društva u BiH i učestvuje u prikupljanju i obradi podataka kroz koje se generiraju indikatori razvoja informacionog društva BiH;
  - b) promovira razvoj informacionog društva u BiH u saradnji s nadležnim entitetskim organima kroz prezentaciju zajedničkih statističkih analiza i indikatora iz ove oblasti;
  - c) učestvuje u izradi i realizaciji strateških planova i programa na razvoju informacionog društva u Bosni i Hercegovini, u svojstvu predstavnika Vijeća ministara BiH i institucija Bosne i Hercegovine i saradnji s nadležnim entitetskim organima;
  - d) pruža stručnu i tehničku pomoć Vijeću ministara BiH po pitanju razvoja informacionog društva i informatičkih projekata;
  - e) osmišljava, planira i realizira projekte koji doprinose informatizaciji institucija Bosne i Hercegovine i visokotehnološkom unapređenju njihovog rada.“
- (nije usvojen s pet glasova „protiv“ i dva glasa „za“)

**AMANDMAN VIII.**

U članu 12. stav (3) mijenja se i glasi:

“ Članove Vijeća imenuje Vijeće ministara BiH na osnovu liste kandidata koju, nakon provedene procedure javnog poziva, utvrdi Ministarstvo komunikacija i prometa BiH. Lista mora sadržavati veći broj kandidata od broja članova Vijeća koji se imenuju.“ ( usvojeno sa pet glasova „za“ i dva glasa „protiv“ )

**Branko Dokić** istakao je da u plenarnoj fazi neće obnoviti amandmane koje Komisija nije podržala.

**Ad. 3. Tekuća pitanja**

Kako nije bilo pitanja, predsjedavajući je zaključio sjednicu u 15,45 sati.

SEKRETAR KOMISIJE  
Ahmed Jalovičić

PREDSJEDAVALAČI KOMISIJE  
dr. Branko Dokić